

Guna idea Melaka untuk mengkomersialkan Sur



Oleh SHAHRULANOOR ISHAK
berita@kosmo.com.my

TERDAPAT banyak aset semula jadi yang boleh dimanfaatkan oleh Majlis Perbandaran Kuantan (MPK) bagi menjana hasil pendapatan pihak berkuasa tempatan (PBT) di pusat bandar ibu negeri Pahang itu.

Namun, MPK sering dilihat oleh sebilangan besar warga Kuantan sebagai sebuah PBT yang kurang kreatif dan inovatif dalam menjana hasil pendapatan.

Selain kutipan cukai pintu dan sebagainya, penduduk menyifatkan MPK terlalu bergantung terhadap caj kupon dan kompaun parkir untuk memungut hasil sehingga memberi tekanan kepada orang ramai.

Dalam menjana pendapatan, terdapat banyak sumber semula jadi di Kuantan yang boleh dieksploitasi secara sihat dan berpotensi memberi hasil berlipat kali ganda kepada MPK.

Pemandangan pesisir Sungai Kuantan akan lebih menarik kalau dibangunkan dengan premis atau deretan restoran bersaiz sederhana sebagaimana dilakukan Majlis Bandaraya Melaka Bersejarah di sepanjang hilir ke muara Sungai Melaka.


Idea kreatif membangunkan Sungai Melaka telah membantu melonjakkan jumlah pelancong ke negeri itu sebanyak 13.7 juta pada tahun 2012.

Malah, Melaka River Cruise menjadi produk pelancongan paling popular di Melaka dengan menerima kunjungan seramai 805,795 orang sepanjang tempoh Januari hingga 10 November tahun lalu.

Sekiranya MPK mampu mengambil inspirasi sama dengan membangunkan Sungai Kuantan, tidak mustahil ia boleh menjadi salah satu produk pelancong yang popular di Pahang.

Malah, secara tidak langsung ia membuka peluang kepada usaha menghidupkan Sungai Kuantan apabila terdapat aktiviti bot tambang yang mengangkut orang ramai untuk pergi ke premis-premis di pesisir sungai tersebut.

Melalui deretan kedai di pesisir



MPK boleh mengkomersialkan Sungai Kuantan menjadi hab perniagaan dan ekonomi ibu negeri Pahang itu.

sungai, MPK boleh memungut cukai premis daripada peniaga-peniaga di situ, malah membuka peluang pekerjaan kepada pengendali bot tambang dalam kalangan nelayan tempatan.

Selain deretan premis berskala sederhana, MPK juga boleh me-

wujudkan taman, zoo mini, landskap atau monumen indah bagi membolehkan pengunjung menikmati pemandangan dari atas bot.

Ini bersesuaian dengan minat orang ramai pada masa kini yang gemar membawa kamera untuk mengambil gambar untuk mera-